


182. Pc. 951.4.

বাংলার শ্রীশিক্ষা

১৮০০-১৮৫৬

শ্রীমদ্রামানন্দ রায়



বিশ্বভারতী গ্রন্থালয়

২. বঙ্কিম চাট্জো স্ট্রীট

কলিকাতা

বিশ্বভারতী, ৬-৫

১৮. ৫

১৩৫৭ অগ্রহায়ণ

182. Pc. 951.4.

মূল্য আট আনা

প্রকাশক শ্রীপুলিনবিহারী সেন

বিশ্বভারতী, ৬৩ দ্বারকানাথ ঠাকুর লেন, কলিকাতা

মুদ্রাকর শ্রীনিবারণচন্দ্র দাস

প্রবাসী প্রেস, ১২০১২ আপার সারকুলার রোড, কলিকাতা

বিষয়সূচী

উপক্রমণিকা	১
ফিমেল জুভেনাইল সোসাইটি	২
লেডিজ সোসাইটি	৮
লেডিস অ্যাসোসিয়েশন	১৯
শ্রীরামপুর মিশন	২২
স্ত্রীশিক্ষা প্রচেষ্টার ফলাফল	২৭
স্ত্রীশিক্ষা ও নব্যবঙ্গ	২৯
‘ক্যালকাটা ফিমেল স্কুল’	৩৩
স্ত্রীশিক্ষা ও গবর্নমেন্ট	৪৫
পরিশিষ্ট	৫০

চিত্রসূচী

সেন্ট্রাল স্কুল

সেন্ট্রাল স্কুলের অভ্যন্তর

সোদামিনী দেবী

কুন্দমালা

১৩৫৭ অগ্রহায়ণ

182. Pc. 951.4.

মূল্য আট আনা

প্রকাশক শ্রীপুলিনবিহারী সেন

বিশ্বভারতী, ৬৩ দ্বারকানাথ ঠাকুর লেন, কলিকাতা

মুদ্রাকর শ্রীনিবারণচন্দ্র দাস

প্রবাসী প্রেস, ১২০১২ আপার সারকুলার রোড, কলিকাতা

বিষয়সূচী

উপক্রমণিকা	১
ফিমেল জুভেনাইল সোসাইটি	২
লেডিজ সোসাইটি	৮
লেডিস অ্যাসোসিয়েশন	১৯
শ্রীরামপুর মিশন	২২
স্ত্রীশিক্ষা প্রচেষ্টার ফলাফল	২৭
স্ত্রীশিক্ষা ও নব্যবঙ্গ	২৯
‘ক্যালকাটা ফিমেল স্কুল’	৩৩
স্ত্রীশিক্ষা ও গবর্নমেন্ট	৪৫
পরিশিষ্ট	৫০

চিত্রসূচী

সেন্ট্রাল স্কুল

সেন্ট্রাল স্কুলের অভ্যন্তর

সোদামিনী দেবী

কুন্দমালা

৭ উপক্রমণিকা

অষ্টাদশ শতাব্দীর শেষে এবং উনবিংশ শতাব্দীর প্রথমে বঙ্গীয় সমাজে স্ত্রীজাতির অবস্থা বিশেষ উন্নত ছিল না। সতী বা সহমরণ প্রথার দরুন শিক্ষার অভাবে তাঁহাদের দুর্দশার একশেষ হয়। ভারতবাসীদের মধ্যে রাজা রামমোহন রায়ও সর্বপ্রথম সতীপ্রথার বিরুদ্ধে আন্দোলন শুরু করেন। সমাজে ও রাষ্ট্রে নারীর অধিকার সুপ্রতিষ্ঠিত করিতে হইলে সর্বাগ্রে তাহার শিক্ষার আয়োজন করা দরকার, এ কথাও তিনি স্পষ্ট ভাষায় বলিয়াছিলেন। রক্ষণশীল রাজা রাধাকান্ত দেবও স্ত্রীশিক্ষার বিশেষ পক্ষপাতী ছিলেন। সংস্কৃত সাহিত্য ও শাস্ত্রগ্রন্থাদি হইতে প্রাচীন হিন্দু নারীদের শিক্ষার উন্নতির বহু নজির সংগ্রহ করিয়া দিয়া তিনি পুণ্ডিত গৌরমোহন বিদ্যালংকারকে ‘স্ত্রীশিক্ষাবিধায়ক’ রচনায় সাহায্য করিয়াছিলেন।^১ এই পুস্তকে যে শোভাবাজার-রাজপরিবারের উল্লেখ আছে তাহা এই রাধাকান্ত দেবেরই পরিবার। জোড়াসাঁকো ও পাথুরিয়াঘাটার ঠাকুরপরিবার, পোস্তার রাজা বৈষ্ণনাথ রায়ের পরিবার প্রভৃতিতেও স্ত্রীশিক্ষার প্রচলন ছিল। বাহির হইতে শিক্ষয়িত্রীরা আসিয়া এইসকল পরিবারের মেয়েদের লেখাপড়া শিখাইতেন। হিন্দু কলেজের ছাত্র এবং ‘আলালের ঘরের দুলাল’-প্রণেতা পারীচাঁদ মিত্র নিজ ‘আধ্যাত্মিকা’ পুস্তকের ইংরেজি ভূমিকায় এই যর্মে লিখিয়াছেন যে, তিনি ১৮১৪ সনে জন্মগ্রহণ করেন, এবং শৈশবে যখন পাঠশালায় পড়েন তখন দেখিয়াছেন তাঁহার পিতামহী মাতৃদেবী এবং খুড়িপিসিগণ সকলেই বাংলা পুস্তক পড়িতে অভ্যস্ত; তাঁহারা বাংলা লিখিতে এবং বাংলায় হিসাব রাখিতে পারিতেন। কিন্তু মেয়েদের জন্ত তখনও কোনো প্রকাশ্য বিদ্যালয় প্রতিষ্ঠিত হয় নাই। তবে উনবিংশ শতাব্দীর দ্বিতীয় দশকেই এ বিষয়ে চেষ্টা আরম্ভ হয়।

ব্রিটিশ পার্লামেন্ট তথা গবর্নমেন্টের নিকট হইতে ১৮১৩ সনে ঈষ্ট ইন্ডিয়া কোম্পানি যে নূতন সনন্দ লাভ করে তাহাতে অগ্ৰাণ্য বিষয়ের মধ্যে এই দুইটিও ধার্য হয়, ১. শিক্ষাধাতে ভারত গবর্নমেন্টের রাজস্ব হইতে প্রতি বৎসর এক লক্ষ টাকা ব্যয়, এবং ২. এ দেশে খৃস্টান পাদ্রীদের অব্যর্থ গতিবিধি। প্রথমটির দ্বারা স্ত্রীশিক্ষার প্রসারে কোনো সুবিধা হয় নাই; দ্বিতীয়টির ফলে খৃস্টান মিশনারীদের চেষ্টায় কলিকাতায় ও মফস্বলে বহু শিক্ষালয় প্রতিষ্ঠিত হইতে থাকে। তাঁহারাও কিন্তু প্রথমে সাক্ষাৎভাবে স্ত্রীবিদ্যালয়স্থাপনে অগ্রণী হন নাই, অগ্রণী হইয়াছিলেন তাঁহাদের স্ত্রীগণ এবং অগ্ৰাণ্য ইউরোপীয় মহিলারা। এই উদ্দেশ্যে তাঁহারা বিভিন্ন খৃস্টান সম্প্রদায়ের অধীনে, কখনো বা স্বতন্ত্রভাবে সোসাইটি বা সংঘ প্রতিষ্ঠা করেন। এইসকল সোসাইটির মারফত তাঁহারা অবৈতনিক বালিকা-বিদ্যালয় স্থাপন করিতে লাগিলেন। এই প্রসঙ্গে ইহাও স্মরণ রাখা কর্তব্য যে, রাজা রাধাকান্ত দেব, রাজা বৈদ্যনাথ রায় প্রমুখ হিন্দু প্রধানগণ প্রথম প্রথম তাঁহাদের কার্যে বিশেষ সহায়তা করিয়াছিলেন।

ফিমেল জুভেনাইল সোসাইটি

(অবৈতনিক বালিকাবিদ্যালয় প্রতিষ্ঠার দ্বারা স্ত্রীশিক্ষার প্রসারে প্রথম অগ্রসর হন ফিমেল জুভেনাইল সোসাইটি। এই সোসাইটি ১৮১৯ সনে প্রতিষ্ঠিত হয়। ইহার পুরা নাম 'The Female Juvenile Society for the Establishment and Support of Bengali Female Schools'।) ইহা স্থাপনের ইতিহাস এইরূপ: কলিকাতায় বাপটেন্ট মিশনের পাদ্রীগণ ১৮১৯ সনের এপ্রিল মাসে মিসেস পীয়ার্স এবং মিসেস লসনের বিদ্যালয়ের শিক্ষয়িত্রীগণকে বাঙালি বালিকাদের শিক্ষাদানকল্পে শিক্ষালয়প্রতিষ্ঠার জন্য সংঘবদ্ধ হইতে অনুরোধ

করেন। ইহার দুই-এক মাসের মধ্যেই শিক্ষয়িত্রীগণ অন্যান্য মহিলা ও মিশনরীদের সহায়তায় উক্ত সোসাইটি প্রতিষ্ঠা করিতে সমর্থ হন। কলিকাতা স্কুল সোসাইটির সম্পাদক, ব্যাপটিস্ট মিশনের পাদ্রী ডবলিউ. এইচ. পীয়ার্স ইহার সভাপতি হইলেন। সোসাইটির নিয়মাবলীও সঙ্গেসঙ্গে রচিত হইল। মাসিক বা বাৎসরিক টাকা দিলে যে-কেহ ইহার সভ্য হইতে পারিতেন। সভাপতি এবং চৌদ্দজন মহিলা লইয়া কার্য-নির্বাহক সমিতি গঠিত হইল। ইহাদের মধ্যে ছিলেন একজন কোষাধ্যক্ষ, দুইজন সম্পাদক এবং একজন টাকা-সংগ্রাহক। বৎসরে একবার সাধারণ সভা আহ্বানের কথা উক্ত নিয়মাবলীতে উল্লিখিত হয়।

(কলিকাতার গৌরীবাড়িতে বাঙালি মেয়েদের জন্য ফিমেল জুভেনাইল সোসাইটির প্রথম বালিকাবিদ্যালয় স্থাপিত হয় ১৮১৯ সনের মে-জুন মাস নাগাদ। এই বিদ্যালয়টির নাম দেওয়া হয় জুভেনাইল স্কুল। প্রথমে এদেশীয় শিক্ষয়িত্রী না পাওয়ায় বিদ্যালয়ের কার্য অতি মন্থর গতিতে চলিতে থাকে। বৎসরের শেষ পর্যন্ত মাত্র আটটি ছাত্রী এখানে পড়াশুনা করিতে আসে। ১৮২০ সনের এপ্রিল মাসে একজন দেশীয় শিক্ষয়িত্রী পাওয়া গেলে ছাত্রীসংখ্যা ধীরে ধীরে বাড়িতে থাকে। সোসাইটির দ্বিতীয় বার্ষিক কার্যবিবরণীতে (১৪ ডিসেম্বর ১৮২১) প্রকাশ, তখন ইহার ছাত্রী-সংখ্যা বত্রিশে দাঁড়ায়। এই ছাত্রীদের মধ্যে কয়েকজন বয়স্ক, এবং ব্রাহ্মণ কায়স্থ বাগদি বৈষ্ণব ও চণ্ডাল জাতীয়া। মিশনরী বা সরকারী বিদ্যালয়সমূহের মত এখানে জাতিভেদের লক্ষণ আদৌ পরিলক্ষিত হইত না।

উক্ত বিবরণীতে আরও প্রকাশ, মূল বিদ্যালয় ব্যতীত কলিকাতার বিভিন্ন অঞ্চলে আরও কয়েকটি বিদ্যালয় প্রতিষ্ঠিত হয়। ইহাদের নামেরও কতকটা বৈশিষ্ট্য ছিল। যে যে স্থানের মহিলাদের অর্থে বিদ্যালয় স্থাপিত

হইত তাঁহাদের নাম ইহার সঙ্গে জুড়িয়া দেওয়া হইত ; যেমন, লিভারপুল স্কুল, সালেম স্কুল ও বার্মিংহাম স্কুল। এই সময় বিদ্যালয়গুলির মোট ছাত্রীসংখ্যা ছিল উনআশি জন। প্রথম বার্ষিক রিপোর্টে মাত্র একুশ জনের উল্লেখ ছিল। এই ছাত্রীসংখ্যার মধ্যে ছিয়াত্তর জনই শিক্ষয়িত্রীদের নিকট পাঠ লইত।^৩

হিন্দুপ্রধানেরা প্রকাশ্যে বালিকাবিদ্যালয়ে নিজ নিজ পরিবারের কন্যাদের না পাঠাইলেও তাঁহাদের মধ্যে কেহ কেহ জুভেনাইল সোসাইটির বিদ্যালয়ের ছাত্রীগণকে বিশেষভাবে উৎসাহিত করিতেন। রাধাকান্ত দেব কলিকাতা স্কুল সোসাইটির দেশীয় সম্পাদক ছিলেন। তাঁহার শোভাবাজার রাজবাটিতে ছাত্রদের ত্রৈমাসিক ও বাৎসরিক পরীক্ষা লওয়া হইত। ১৮২১ এবং ১৮২২ সনে ফিমেল জুভেনাইল সোসাইটির বিদ্যালয় হইতে ছাত্রীরাও এই পরীক্ষা দিতে আসিত, ইহার বিবরণ পাওয়া যায়। দ্বিতীয় বারে পরীক্ষায় সোসাইটির দুইটি বিদ্যালয় হইতে চল্লিশ জন ছাত্রী উপস্থিত হয়। দুই বারেই তাহাদের পাঠোৎকর্ষ দেখিয়া উপস্থিত দেশী-বিদেশী ভদ্রমণ্ডলী প্রীতিনাভ করেন।^৪ ইহার পর আর বাৎসরিক পরীক্ষায় ছেলেদের সঙ্গে সোসাইটির মেয়েদের পরীক্ষা দিতে দেখি না।)

এই সময়ে, ১৮২২ সনের প্রথমে, পণ্ডিত গোরমোহন বিদ্যালংকারের ‘স্ত্রীশিক্ষাবিধায়ক’ প্রকাশিত হইলে তাহাতে স্ত্রীশিক্ষাপ্রসারে বিশেষ সহায়তা হইয়াছিল। কলিকাতা স্কুলবুক সোসাইটি এই পুস্তকখানির দ্বিতীয় সংস্করণ বাহির করিয়া পাঁচ শত খণ্ড বিনামূল্যে বিতরণ করিয়াছিলেন। সোসাইটির বিদ্যালয়সমূহে ইহার অংশবিশেষ পঠিত হইত।

(১৮২৩ সনে সোসাইটির বিদ্যালয় ছিল সংখ্যায় আটটি। এই বৎসরের মধ্যেই ইহা ‘বেঙ্গল ক্রিস্টিয়ান স্কুল সোসাইটি’র মহিলাবিভাগে

ফিমেল জুভেনাইল সোসাইটি

৫

পরিণত হয়। এই বারে ১৯ ডিসেম্বর তারিখে কলিকাতার গৌরী-বাড়িতে সোসাইটির স্কুলের ছাত্রীদের একটি সাধারণ পরীক্ষা হয়। তাহাতে এক শত চল্লিশ জনের উপরে হিন্দু ও মুসলমান ছাত্রী যোগদান করে।) সে যুগে এই ধরনের পরীক্ষাকালে সমাজের গণ্যমান্য ব্যক্তিগণ এবং সংবাদপত্রসম্পাদকেরা নিমন্ত্রিত হইয়া উপস্থিত থাকিতেন। (পাদ্রী উইলিয়ম কেরী, উইলসন, জেটার ও অন্যান্য বিদ্যোৎসাহী ব্যক্তিগণ ছাত্রীদের লিখনপঠন ও বর্ণবিজ্ঞানের পরীক্ষা লইতেন। ছাত্রীদের ছয় শ্রেণীতে বিভক্ত করা হয়। প্রত্যেক শ্রেণীর পরীক্ষার বিষয় হইতে পাঠ্য-তালিকা সম্বন্ধেও কথঞ্চিৎ ধারণা করিতে পারা যায়। প্রথমশ্রেণীতে বর্ণমালা, দ্বিতীয় ও তৃতীয় শ্রেণীতে জেটারের স্পেলিং বা বর্ণবিজ্ঞানের বই, চতুর্থশ্রেণীতে মাতা ও কন্ঠার কথোপকথন ও পীয়ার্সনের স্পেলিং বই, পঞ্চমশ্রেণীতে মাতা ও কন্ঠার কথোপকথন, নীতিকথা প্রথম ও দ্বিতীয় ভাগ এবং পীয়ার্সনের স্পেলিং বই আর ষষ্ঠশ্রেণীতে পীয়ার্সনের 'মাতা ও কন্ঠার কথোপকথন', দ্বীশিক্ষাবিধায়ক, পীয়ার্সের ভূগোল প্রভৃতি পড়ানো হইত। পরীক্ষাকালে ছাত্রীগণের পাঠে উৎকর্ষ দেখিয়া সকলেই আনন্দ প্রকাশ করেন।)

ইহার পূর্ব বৎসর হইতে বিদ্যালয়ের ছাত্রীদিগকে স্টুটীশিয় শিক্ষা দেওয়ার ব্যবস্থা হয়। এক বৎসরের শিক্ষার ফলেই তাহারা ইহাতে যেরূপ নৈপুণ্য প্রদর্শন করে তাহাতে উপস্থিত সকলেই বিস্ময় প্রকাশ করেন। মিসেস কোলম্যানের সাক্ষাৎ-পরিচালনার ফলে বিদ্যালয়গুলি এতাদৃশ উন্নতিলাভ করিয়াছিলেন। সোসাইটির আটটি বিদ্যালয় হইতে ছাত্রীগণ আসিয়া এই পরীক্ষা দেয়। এই আটটি বিদ্যালয় ব্যতীত সোসাইটি কর্তৃক আরও দুইটি বিদ্যালয় এই বৎসরেই প্রতিষ্ঠিত হইল। গৌরীবাড়ি তখন কলিকাতার প্রান্তভাগে অবস্থিত থাকায় নিমন্ত্রিত ভদ্রবৃন্দের তথায়

যাতায়াত সম্ভব ছিল না, এ কারণ কলিকাতার মধ্যস্থলে এইরকম পরীক্ষা গ্রহণের জন্য 'গবর্নমেন্ট গেজেট'-সম্পাদক পরামর্শ দেন।

(বেঙ্গল ক্রিশ্চিয়ান সোসাইটির অঙ্গীভূত হইবার পর জুভেনাইল সোসাইটির কার্য কলিকাতার অভ্যন্তরে এবং মফস্বলেও দ্রুত প্রসার লাভ করে। উক্ত বাৎসরিক পরীক্ষার (১৮২৩) তিন বৎসর পরে ১৮২৬ সনের ১৬ জানুয়ারি তারিখে গৃহীত আর-একটি সাধারণ পরীক্ষার বিবরণ পাওয়া যায়। শুধু কলিকাতার উত্তর বিভাগীয় বিদ্যালয়সমূহ হইতে প্রায় একশত জন ছাত্রী বেনাভোলেন্ট ইনস্টিটিউশনে আসিয়া এই পরীক্ষা দেয়। ইয়েটস্, পীয়ার্স ও পিকার্ডের সাহায্যে পাদ্রী উইলসন ছাত্রীদের পরীক্ষা গ্রহণ করিলেন। এই পরীক্ষার বিবরণও সমসাময়িক সংবাদপত্রে প্রকাশিত হয়। গবর্নমেন্ট গেজেটের ২৬ জানুয়ারি ১৮২৬ সংখ্যায় পূর্ব বারের মত এবারকার পরীক্ষারও একটি বিবরণ পাওয়া যায়। ইহাতেও দেখিতে পাই ছাত্রীগণ ছয়টি শ্রেণীতে বিভক্ত হইয়া বিভিন্ন বিষয়ে বাংলা ভাষার মাধ্যমে পরীক্ষা দিতেছে। এবার কিন্তু পাঠ্যতালিকায় একটি বিষয় নূতন দেখা যাইতেছে। পূর্ব হইতেই হয়তো ইহার শিক্ষাদান আরম্ভ হয়। উচ্চতর তিন শ্রেণীতে বাইবেলের অংশবিশেষ এবং খৃস্টধর্ম সংক্রান্ত অগ্ৰাণ্য পুস্তক হইতেও নানা প্রশ্ন তুলিয়া পরীক্ষকগণ ছাত্রীদের পরীক্ষা করিলেন।) উত্তর বিভাগের মত কলিকাতার দক্ষিণ বিভাগের ছাত্রীদের খিদিরপুরে পরীক্ষা গ্রহণের প্রস্তাব হয়, কিন্তু ইহার বিবরণ পাওয়া যায় নাই। ইতিমধ্যে কলিকাতায় লেডিজ সোসাইটি নামে আর-একটি খেতাজ মহিলা সঙ্ঘ ঐ একই উদ্দেশ্যে স্থাপিত হয় এবং বালিকাবিদ্যালয় প্রতিষ্ঠা করিতে আরম্ভ করে। গবর্নমেন্ট গেজেট উক্ত পরীক্ষার বিবরণদান-প্রসঙ্গে এ কথাও উল্লেখ করেন।

(জুভেনাইল সোসাইটির বিদ্যালয়সংখ্যা ১৮২৯ সনে কুড়িটিতে দাঁড়ায়।

১৮৩২ সন নাগাদ দেখা যায়, নাম পরিবর্তিত হইয়া ইহা 'ক্যালকাটা ব্যাপটিস্ট ফিমেল স্কুল সোসাইটি' নাম পরিগ্রহ করিয়াছে।) এই বৎসরে প্রকাশিত সোসাইটির একাদশ কার্যবিবরণীর একটি সংক্ষিপ্তসার ১৮৩২ সনের ডিসেম্বর মাসের 'দি ক্যালকাটা ক্রিষ্টিয়ান অবজার্ভার' প্রকাশ করিয়াছেন। ইহা হইতে উক্ত নূতন নাম পাওয়া যাইতেছে। 'অবজার্ভার' বলেন যে, স্ত্রীশিক্ষায় অগ্রদূত হিসাবে সোসাইটি তখনও ইহার প্রসারকার্যে ব্যাপৃত। কলিকাতা ও অন্যান্য কেন্দ্রের বালিকাবিদ্যালয়গুলি সম্বন্ধেও এইরূপ জানা যাইতেছে : কলিকাতায় ও উপকণ্ঠে সোসাইটির তখন সাতটি স্কুল ছিল। মিসেস ডব্লিউ. এইচ. পীয়ার্স, মিসেস ইয়েটস, মিসেস পেসী এবং মিসেস টমাস এ সমুদয়ের তত্ত্বাবধান করিতেন। এই সাতটি স্কুলের ছাত্রীসংখ্যা ছিল দেড় শত। চিৎপুরে মিসেস জি. পীয়ার্সের তত্ত্বাবধানে একটি সেন্ট্রাল বা কেন্দ্রীয় স্কুল ছিল ; এখানকার ছাত্রীসংখ্যা এক শত কুড়ি জন। কাটোয়ার কেন্দ্রীয় স্কুল পরিচালিত হয় মিসেস ডব্লিউ কেরীর দ্বারা ; এখানকার ছাত্রীসংখ্যা দুই শত। বীরভূমের চারিটি স্কুলে মোট ছাত্রী ষাট জন, এবং তত্ত্বাবধায়ক মিসেস উইলিয়মসন। পূর্বে বিভিন্ন স্থলে যেসব বিদ্যালয় ছিল তৎসমুদয় একটি কেন্দ্রীয় স্কুলে একত্র করার দরুন ছাত্রীদের উপস্থিতি যেমন নিয়মিত করা হয়, তাহাদের পাঠোৎকর্ষও তেমনি বাড়িয়া যায়।

এতক্ষণ দেখা গেল, ফিমেল জুভেনাইল সোসাইটির স্কুলসমূহের ছাত্রীদিগকে বাংলার মাধ্যমে অবৈতনে শিক্ষা দেওয়া হইত। ইংরেজি শিক্ষা এইসকল বিদ্যালয়ে আদৌ দেওয়া হইত না। ক্রমে খৃস্টতত্ত্ব শিক্ষা দিবার ব্যবস্থা হইলে উচ্চবর্ণের দরিদ্র হিন্দুকন্যারাও এসব স্কুলে পড়া ছাড়িয়া দেয়। তথা-
কথিত নিম্নশ্রেণীর ছাত্রীরাই এখানে আসিয়া ভিড় করিত। সে যাহা হউক, প্রকাশ্য স্ত্রীবিদ্যালয়-প্রতিষ্ঠায় ফিমেল জুভেনাইল সোসাইটিই পথপ্রদর্শক।

লেডিজ সোসাইটি

(লেডিজ সোসাইটির পুরা ইংরেজি নাম 'Ladies' Society for Native Female Education in Calcutta and its Vicinity'। এই সোসাইটি ১৮২৪ সনে চার্চ মিশনারী সোসাইটির আনুকূল্যে প্রতিষ্ঠিত হয়।) ইহা কিরূপে স্থাপিত হইল তাহার একটু আনুপূর্বিক ইতিহাস দেওয়া দরকার। দেশে-বিদেশে শিক্ষাবিস্তারের উদ্দেশ্যে লণ্ডনে ব্রিটিশ অ্যাণ্ড ফরেন স্কুল সোসাইটি নামে একটি সংঘ ছিল। কলিকাতা স্কুল সোসাইটিকে সাহায্য করিবার জন্ত এই সোসাইটি ১৮২১ সনের নবেম্বর মাসে কুমারী মেরী অ্যান্ কুককে কলিকাতায় প্রেরণ করেন। আমরা দেখিয়াছি, তখন সম্ভ্রান্ত পরিবারের মেয়েদের প্রকাশ্য বিদ্যালয়ে শিক্ষা দানের রীতি ছিল না। এ কারণ কলিকাতা স্কুল সোসাইটির কর্ণধারগণ কুমারী কুকের সাহায্য গ্রহণ করিতে পারিলেন না। তবে ইহার দেশীয় সম্পাদক রাধাকান্ত দেবের পরামর্শে চার্চ মিশনারী সোসাইটি তাহাদের পূর্বপ্রকাশিত বিদ্যালয়সমূহের জন্ত তাঁহাকে নিযুক্ত করিলেন।

(চার্চ মিশনারী সোসাইটির সহায়তায় কুমারী কুক ঠন্ঠনিয়া মির্জাপুর শোভাবাজার কৃষ্ণবাজার মল্লিকবাজার ও কুমারটুলিতে কয়েকটি নূতন অবৈতনিক স্ত্রীবিদ্যালয় প্রতিষ্ঠা করিতে সমর্থ হইলেন। স্থানীয় অধিবাসীরাও তাঁহাকে সাহায্য করেন। ১৮২২ সনের এপ্রিল মাস নাগাদ আটটি বালিকাবিদ্যালয় প্রতিষ্ঠিত হয় এবং ছাত্রীসংখ্যা হয় কিঞ্চিদধিক দুই শত। এক বৎসরের মধ্যেই বিদ্যালয়সংখ্যা দাঁড়ায় পনেরোটিতে। এবং এগারোটির জন্ত আলাদা বাড়িও তৈরি হয়।। তিন শতাধিক ছাত্রী এই বিদ্যালয়গুলিতে অধ্যয়ন করিতে থাকে। প্রথমে ছাত্রীদের লিখন ও পঠন শিখানো হইত। যখনই কয়েকটি বালিকার অক্ষরজ্ঞান হইত তখনই তাহাদিগকে শ্রেণীবদ্ধ করিয়া নীতিকথা ও অন্যান্য বাংলা পুস্তক পড়ানো

হইত,। সঙ্গেসঙ্গে সীবনকার্যও শিখানো হইত ।) ছয়টি বিদ্যালয়ের ছাত্রীরা বহু বাড়ন প্রস্তুত করে । কোনো কোনো ছাত্রী সূক্ষ্ম সূচীকর্মেও পটু হয় । এই ধরনের কাজের জন্য ছাত্রীদিগকে যথাযথ পারিশ্রমিকও দেওয়া হইত । কয়েকটি স্কুলে ছাত্রীরা বুননকার্য শিখিতে আরম্ভ করে । (বিদ্যালয়সংখ্যা ক্রমশ বাড়িতে থাকে । কিন্তু হিন্দু সম্রাট ঘরের মাত্র একজন বিধবা তখন পর্যন্ত পাওয়া যায় । তাঁহার উপর একটি বিদ্যালয়ের শিক্ষাদানের ভার অর্পিত হইল । তিন জন যুবতী তখন শিক্ষয়িত্রীর কাজের জন্য প্রস্তুত হইতেছিলেন ।)

আমরা এইসকল তথ্য পাই চার্চ মিশনারী সোসাইটির পাদ্রী আর্চডিকন করীর একখানি আবেদনপত্র হইতে । কলিকাতার কেন্দ্রস্থলে বালিকাদের জন্য একটি সেন্ট্রাল বা কেন্দ্রীয় স্কুল স্থাপন-উদ্দেশ্যে সাধারণের নিকট তাঁহার এই আবেদন । ১৮২৩ সনের ৬ মার্চ তারিখের ‘গবর্নমেন্ট গেজেটে’র অতিরিক্ত সংখ্যায় ইহা প্রকাশিত হয় । এই আবেদনপত্রে তিনি লেখেন যে, বিদ্যালয়ের সংখ্যা দ্রুত বাড়িয়া যাওয়ায় এবং দূরে দূরে এগুলি প্রতিষ্ঠিত থাকায় কুমারী কুককে প্রত্যহ এইসকল স্থানে যাইয়া একই বিষয় পুনরাবৃত্তি করার দরুন অতিরিক্ত পরিশ্রম করিতে হইতেছে । কেন্দ্রস্থলে একটি বিদ্যালয় স্থাপিত হইলে সেখানে উচ্চশ্রেণীর বালিকায়া সমবেত হইয়া কুক মহোদয়ার নিকট হইতে একই সময়ে পাঠ লইতে পারিবে । ইহার দ্বারা এক দিকে যেমন তাঁহার শ্রম লাঘব হইবে অন্য দিকে তেমনই ছাত্রীদের দ্রুত পাঠোন্নতিও ঘটিবে ।

ইতিমধ্যে সোসাইটির পাদ্রী আইজাক উইলসনের সঙ্গে কুমারী কুকের বিবাহ হয় । কুমারী কুক অতঃপর মিসেস উইলসন নামে পরিচিত হইলেন । (১৮২৪ সনের আরম্ভে বালিকাবিদ্যালয় চব্বিশটিতে দাঁড়ায় । তখন চার্চ মিশনারী সোসাইটি সাক্ষাৎভাবে এ সমুদয়ের পরিচালনভার নিজেদের

এইসকল হইতে ইহার কার্যকলাপ সম্বন্ধে বেশ একটা আঁচ করা যায়।)
(১৮২২ হইতে ১৮২৭ সন পর্যন্ত সোসাইটির স্কুল, ছাত্রী এবং পরীক্ষায়
উপস্থিত ছাত্রীদের সংখ্যা মোটামুটি এইরূপ ছিল—

সন	বালিকা বিদ্যালয়	ছাত্রীসংখ্যা	যাহাদের পরীক্ষা লওয়া হইয়াছে
১৮২২	৮	২০০	-
১৮২৩	১৫	৩০০	১১০
১৮২৪	২৪	৪০০	১০০
১৮২৫	৩০	৫০০	-
১৮২৬	-	৫৪০	২০০
১৮২৭	-	৬০০	১৭০

লেডিজ সোসাইটির উদ্বোধন-সভায় একটি প্রস্তাবে বলা হয় যে, কলিকাতার উচ্চশ্রেণীর সম্ভ্রান্ত ও সম্পন্ন ব্যক্তিরাত্ত তাঁহাদের কন্যাগণকে এইসকল বিদ্যালয়ে অধ্যয়নার্থ পাঠাইতেছেন এবং পাঠ্য বিষয়াদি তাঁহাদের মনোনীত হইয়াছে। ছাত্রীদের বাৎসরিক পরীক্ষায় যেসব হিন্দু প্রধান উপস্থিত হইতেন তাঁহাদের মধ্যে রাজা রাধাকান্ত দেব, রাজা বৈদ্যনাথ রায়, রাজা শিবকৃষ্ণ, নীলমণি দাস, কৃষ্ণসখা বোষ এবং কাশীনাথ ঘোষালের নাম উল্লেখযোগ্য। তাঁহারা ছাত্রীদিগকে নানাভাবে উৎসাহ দিতেন, কেহ কেহ ইউরোপীয় মহিলা ও ভদ্রমহোদয়দের সঙ্গে একযোগে তাহাদের পরীক্ষাও লইতেন। (এইসব বিবরণ হইতে আরও জানা যায় যে, ছাত্রীরা ইতিহাস ভূগোল গণিত প্রভৃতি বিষয় বাংলার মাধ্যমে শিক্ষা করিত।)

উচ্চশ্রেণীতে 'স্ত্রীশিক্ষাবিধায়কে'র কোনো কোনো অধ্যায়ও পঠিত হইত ও সীবনকর্মও শিক্ষা দেওয়া হইত। উৎকৃষ্ট ছাত্রীরা পুরস্কারস্বরূপ সিকি আধুলি ও শাড়ি পাইত।

/ বৌরভূমের বালিকাবিদ্যালয়

স্কুলের নাম	ছাত্রীসংখ্যা
ক্রিস্টিয়ান প্রিসেপ্টরি	১০
সিউরি স্কুল	১০
তিলপাড়া স্কুল	৬
তেহারা স্কুল	৭
আনন্দপুর স্কুল	৬
হুসেনাবাদ স্কুল	৫
	৪৪

/ ঢাকার বালিকাবিদ্যালয়

নরান্দিয়া	২০
রামগঞ্জ	২০
দয়্যগঞ্জ	২০
জিজিরি	২৪
বানিয়ানগর স্কুল	১৬
	১০০

/ চট্টগ্রামের বালিকাবিদ্যালয়

মাদারবাড়ি স্কুল	৩৫
ভুলুয়া দীঘি স্কুল	৩০
মুরাদপুর স্কুল	১২
	৭৭

৭. এতদ্ব্যতীত যশোর আকিয়াব কানী ও এলাহাবাদে একটি করিয়া বালিকাবিদ্যালয় প্রতিষ্ঠিত হইয়াছিল। ১৮৮৮ ইহার পরে আর কোনো বিশদ বিবরণ পাওয়া যায় নাই। ১ জন ক্লার্ক মার্শম্যান লিখিয়াছেন যে, ১৮৩১ সনে মিশনের অধীনে যেসব বালিকাবিদ্যালয় ছিল তাহাদের মধ্যে

বেথুন প্রদত্ত রোপা কর্ণিকে (Trowell) এই কথা কয়টি লেখা হয়। তাম্র-ফলকের উপর ইহা দ্বারা চূণ-সুরকির প্রলেপ লাগাইয়া দেওয়া হয়।

PRESENTED BY
THE HONORABLE J. E. D. BETHUNE OF BALFOUR,
MEMBER OF THE SUPREME COUNCIL OF INDIA :
AND PRESIDENT OF THE COUNCIL OF
EDUCATION,
To
MAJOR GENERAL
THE HONORABLE SIR JOHN HUNTER LITTLER, G.C.B.,
DEPUTY GOVERNOR OF BENGAL.

—
Being the Trowel used in laying
THE FOUNDATION STONE
OF THE

Hindu Female School

A.D. MDCCCL. 6th Nov.

A.L. VDCCCL.

Who can find a virtuous woman? For her price is far above rubies. She openeth her mouth with wisdom: and in her tongue is the Law of Kindness. Her children arise up and call her blessed; her husband also, and he praiseth her.

—Prov. xxxi, 10, 26, 28.

[On the Reverse]

Elevation of the Building with Masonic emblems. ৫১

